

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 125. Eadem Forma absolutionis generalis pro Sacerdotis &
Regularibus mutatis mutandis.

[urn:nbn:de:hbz:466:1-64103](#)

Insuper eisdem : qui sanctissimum Sacramentum (quando ad infirmos defertur) comitati fuerint ; quinque annos & totidem Quadragesas.

Qui verò pœnitentes & confessi , ac sacra Communione refecti , aliquam ex Ecclesiis dicti Ordinis Minorum Conventualium S. Francisci , S. Antonii de Padua , S. Bonaventuræ , S. Ludovici Episcopi , S. Bernardini , S. Claræ , ac S. Didaci Festivitatibus , singulis annis visitaverint , & oraverint , ut præfertur ; quo die Festivitatum hujusmodi id egerint : septem annos , & totidem Quadragesas.

Quoties verò corpora defunctorum , tam Confratrum , quam aliorum ad Sepulturam comitati fuerint , aut alicui pauperi personæ in ejus necessitatibus subvenerint , aut pacem inter inimicos composuerint : toties pro quolibet prædictorum operum centum dies de injunctis eis , seu aliâs quomodolibet debitis Pœnitentiis , in forma Ecclesiæ consueta relaxamus .

Insuper eisdem Confratribus & Consorribus , ut supradictas Indulgencias & gratias spirituales consequi ; & illas animabus Defunctorum per modum Suffragii applicare possint , per præsentes concedimus , & indulgemus . &c. Datum Romæ apud S. Marcum die 25. Septemb. 1607. Pontificatus nostri anno tertio. Habetur in Theat. Reg. V. Confraternitas.

Indulgentia , & Absolutio plenaria , concessa à diversis summis Pontificibus , pro Chordigeris in mortis articulo ; ob quam solam nullus meritò Christianus deberet omittere assumptionem Habitûs , vel saltem Chordæ S. Francisci .

FORMULA ABSOLUTIONIS.

Quæ datur Chordigeris in articulo mortis.

Facta Confessione , & dictis : misereatur &c. Indulgentiam . &c.

Dicatur :

CXXIV. **D**ominus noster JESUS Christus , per Merita quæ sanctissimæ Passionis te absolvat , & gratiam suam tibi infundat. Et ego Authoritate ipsius ac B.B. Petri & Pauli Apostolorum ejus , & sumorum Pontificum , mihi in hac parte commissa , & tibi concessa ; absolvó te ab omni vinculo Excommunicationis majoris , vel minoris , & Interdicti (si quod incurristi) & restituo te unitati & communioni Fidelium , & sanctis Sacrementis Ecclesiæ. Item eadem Authoritate absolvó te ab omnibus peccatis tuis , quibus contra Deum fragilitate humanâ , vel malitiâ deliquisti ; tibique relaxo omnes pœnas Purgatorii , quas pro peccatis tuis commissis meruisti , concedens tibi remissionem , & indulgentiam plenariam omnium peccatorum ; & cunctorum , de quibus etiam non recordaris , aut oblitus fuisti , in quantum claves Ecclesiæ se extendunt , & restituo te illi innocentia , in qua eras , quando baptizatus fuisti. In nomine Patris . &c. Passio . &c. Quod si hâc vice non discesseris ? reservo tibi hanc gratiam usque ad extremum mortis tuae Articulum.

FORMULA

Pro Sacerdotibus & aliis Fratribus Regularibus.

Mutatis mutandis.

Facta Confessione , & dictis : misereatur &c. & Indulgentiam . &c.

Dicatur:

CXXV. **D**ominus noster JESUS Christus , per merita suæ sanctissimæ

R 3

tissimæ Passionis te absolvat , & gratiam suam tibi infundat. Et ego Authoritate ipsius & BB. Apostolorum Petri & Pauli, & summorum Pontificum, mibi in hac parte commissâ, & tibi concessâ, absolvō te ab omni vinculo Excommunicationis majoris , vel minoris, Suspensionis & Interdicti ; & dispenso tecum in omni irregularitate, si quam contraxisti ; & restituo te unioni , & participationi Fidelium , nec non sanctis Sacramentis Ecclesiae. Eādem Authoritate absolvō te ab omni transgressione Votorum tui Ordinis, & Statutorum Papalium, Generalium, Provincia- lium, Custodialium, Localium, & Synodalium quorumcunque. Eādem Authoritate absolvō te ab omni divino Officio male perfoluto ; ab Horis indebet transpositis vel omis- sis. Item eādem Authoritate ego absolvō te ab omnibus peccatis tuis , quibus contra Deum fragilitate humana , ignorantia , vel malitia deliquisti ; concedens tibi remissionem , & Indulgenciam plenariam omnium peccatorum tuorum confessorum , & cunctorum , de quibus etiam non recordaris , aut oblitus fuisti, in quantum claves Ecclesiae se extendunt. Item eādem Authoritate absolvō te à pœnis Purgatorii , quas pro peccatis commissis , & delictis in hoc mundo perpetratis , meruisti ; restituendo te illi innocentiae , in qua eras , quando baptizatus fuisti. In nomine Patris. &c. Passio. &c. Quod si hāc vice non discesseris : reservo tibi hanc gratiam usque ad extre-num mortis tuae articulum.

Plures etiam adhuc sunt Indulgenciae, quas lucrari possunt FF. Minores , Moniales , & Tertiarii cum ipsis communicantes.

CXXVI. *Clemens VIII. Bullâ : De omnium salute. &c.* quæ est octava in Bullario Roderiquez fol. 528. concessit Indulgenciam plenariam Fratribus Minoribus , & eorum Parentibus, Fratribus,

& Benefactoribus Fratres Minores hospitan- tibus ; si pro iis Sacerdotes ex Ordine Mino- rum legant Missam. Item, si Sacerdos Regularis legat Missam in Conventu, in quo moritur unus suorum Confratrum, animam ipsius liberat.

Innocentius VIII. concessit Moniali- bus & Fratribus , quod animam libe- rent ; si comunicent pro animabus suorum Parentum, Fratrum, Sororum, Confratrum, & Consororum ; item si recitent pro iis Of- ficium Defunctorum. Idem concessit *Leo X.* prout habetur libro : *Monumenta Ordinum de Privilegiis & Indulgentiis.*

Alexander VII. concessit Indulgenciam plenariam per agentibus Exercitio spiritualia per officidum Regularibus, Monilibus, nec non aliis , qui ea servant in Monasteriis Reli- giosorum. *Apud Vivam in Appendice Indulg.* fol. 88. §. 2.

Innocentius XI. & XII. concesserunt Indul- gentiam plenariam tribus Ordinibus S. Fran- cisci, Chordigeris, & cum his communican- tibus : quo-unque die recitant Coronam septem Gaudiorum B. Virginis M. Item quo-unque die orant 6. Pater noster & Ave Maria cum Gloria Patri. &c. ante Sanctissi- mum Sacramentum ; ut dictum est in fine. C. 22. n. 109. Sequitur Caput de amplissi- mis Indulgenciis Stationum intra & extra Urbem.

C A P U T XXVII.

De Indulgenciis Stationum conten- tarum in Missali Romano , quæ sunt concessæ tribus Ordinibus S. FRAN- CISCI , & Chordigeris nunquam revocatae; sed usque nunc subsistentes & certò indubitate in suo robore, usu, praxi, & vigore.

XXVI I. *Q*uo ad Indulgencias Statio- num Urbis, oportet scire ; quod